

ԲԱՆՎՈՐԱԿԱՆ ԿԱԴՐՆԵՐԻ ՊԱՏՐԱՍՏՈՒՄԸ ԵՎ ՎԵՐԱՊԱՏՐԱՍՏՈՒՄԸ
ՀՍՍՀ-ՈՒՄ ԶԱՐԳԱՑԱՆ ՍՈՑԻԱԼԻԶՄԻ ԺԱՄԱՆԱԿԱՇՐՋԱՆՈՒՄ

ԽՈՒՔԵՆ ԱԶԻԶՅԱՆ

Զարգացած սոցիալիզմի ժամանակաշրջանում բանվոր դասակարգի բնորոշ գծերից մեկը նրա մասնագիտական բարձր պատրաստվածությունն է։ Այս գործում մեծ դեր ունի պրոֆտեխուսուցման համակարգը։ Քննվող ժամանակաշրջանում վերջինս Հայաստանում զգալիորեն կատարելագործվեց։ Այսպես, եթե 1961 թ. հանրապետությունում գործում էր 12 այդպիսի ուսումնական հաստատություն, ապա 1981 թ.¹ 100¹։ Պրոֆտեխուսուցման համակարգի ընդլայնումը հանգեցրեց սովորողների ընդունելության թվաքանակի կտրուկ աճի։ Եթե 1965 թ. նշված հաստատություններն ընդունվեցին 8,8 հազար մարդ, ապա 1981 թ.² 36,3 հազ.²։ Սա վկայում է, որ զարգացած սոցիալիզմի ժամանակաշրջանում պրոֆտեխուսուցման համակարգում բանվորական կադրերի պատրաստման մասշտաբները գնալով մեծանում են։ Միայն 10-րդ հնգամյակի տարիներին հանրապետության պրոֆտեխուսուցման արանները ժողովրդական տնտեսության համար պատրաստել են ավելի քան 140 հազ. որակյալ բանվոր, զրեթե նույնքան, որքան պատրաստվել է պրոֆտեխիկոթության համակարգի գոյության նախորդ 30 տարվա ընթացքում³։ Հատկանշական է, որ ՀՍՍՀ-ում նշված համակարգում բանվորական կադրերի պատրաստման աճի տեմպերը զգալիորեն գերազանցում են համամիութենականը։ Այսպես, եթե ՍՍՀՄ-ում 1960 թ. համեմատությամբ 1981 թ. պրոֆտեխուսուցման համակարգում պատրաստվել են 3 անգամ ավելի որակյալ բանվորական կադրեր, ապա ՀՍՍՀ-ում⁴ 14 անգամ ավելի⁴։ Հանրապետության պրոֆտեխուսուցման համակարգում բանվորների պատրաստման նման բարձր տեմպերը պայմանավորված են ՍՍՀՄ բանվոր դասակարգի ազգային ջոկատների կազմում բարձրորակ բանվորական կադրերի պատրաստման ուղղությամբ ՍՄԿԿ և սովետական կառավարության հետևողական հոգատարությամբ և ժողովրդական տնտեսության մեջ նրանց նկատմամբ պահանջարկի անշեղ աճով։ Ինչպես նշեց ՍՄԿԿ Կենտկոմի ղեկավոր քարտուղար Յու. Վ. Անդրոպովը ՍՍՀՄ կազմավորման վաթսուամյակին նվիրված իր զեկուցման մեջ, «կուսակցությունը միշտ հսկայական ուշադրություն է նվիրել մեր հասարակության առաջատար ուժը կազմող սովետական բանվոր դասակարգի ազգային ջոկատների աճին։ Եվ արդյունքները առկա են։ Այժմ բանվորները ամենախոշոր սոցիալական խումբն են բոլոր միութենական

1 «Народное хозяйство Армянской ССР в 1975 году», Статистический ежегодник, Ереван, 1976, с. 184; «Народное хозяйство Армянской ССР», Юбилейный статистический сборник к 60-летию образования СССР, Ереван, 1982, с. 183.

2 «Народное хозяйство Армянской ССР», Юбилейный статистический сборник к 60-летию образования СССР, с. 184.

3 Կ. Ս. Դեմիրճյան, 244 Կենտրոնական կոմիտեի հաշվետվությունը Հայաստանի կոմունիստական կուսակցության XXVII համագումարին, Երևան, 1981, էջ 76։

4 Հաշվարկը կատարված է՝ «Народное хозяйство СССР в 1980 г.» Статистический ежегодник, М., 1981, с. 375, «Народное хозяйство Армянской ССР», Юбилейный статистический сборник к 60-летию образования СССР, с. 185 ժողովածուների տվյալների հիման վրա։

Հանրապետություններում՝ Սակայն դրանցից մի բանիսում բանվոր դասակարգի կազմում պետք է ավելի լրիվ ներկայացվի արժատական ազգությունը Այս-սեղից էլ ՍՄԿԿ XXVI համագումարի առաջադրած խնդիրը՝ ընդլայնել ու բարելավել հանրապետություններում բնակվող բոլոր ազգերից ու ազգություններից որակյալ բանվորների պատրաստումը՝ Դա հարկավոր է էկոնոմիկայի զարգացման համար՝ Դա կարևոր է նաև քաղաքականության⁵։

Ինչպես հայտնի է, 1950-ական թվականների կեսերից ՀՍՍՀ ժողովրդական տնտեսությունը լայնորեն վերակառուցվեց, որը և հանգեցրեց մեքենաշինության, էլեկտրոնիկայի, ռադիոտեխնիկայի, քիմիայի և արդյունաբերության այլ ճյուղերի ինտենսիվ զարգացմանը։ Վերջիններիս աճի տեմպերը համապատասխանաբար պահանջում էին բանվորական բարձրորակ կադրեր։ Սակայն 1960-ական թվականների կեսերին հանրապետությունում նկատվում էր բանվորական կադրերի և արտադրության զարգացման մակարդակների որոշակի անհամամասնություն։ Դրանից ելնելով, հանրապետությունում ընդլայնվեց պրոֆեսիոնալ-տեխնիկական ուսումնական հաստատությունների ցանցը և դրանցում բարելավվեցին ուսումնադաստիարակչական աշխատանքները։ Հայաստանի պրոֆտեխուսուցման համակարգի նյութատեխնիկական բազան ընդլայնվեց ու ամրապնդվեց։ Եթե 1960-ական թվականների սկզբին հանրապետության ուսումնարաններում գործում էր 115 ուսումնական արհեստանոց և 135 կաբինետ ու լաբորատորիա, ապա 1980-ական թվականների սկզբին դրանց թիվը համապատասխանաբար հասավ 470-ի և 1060-ի։ Պրոֆտեխուսուցման համակարգի հետագա զարգացման համար կարևորագույն նախադրյալ հանդիսացավ հանրակրթական դպրոցի ուսուցման կատարելագործումը (սկսած 1960-ական թվականների կեսերից)։ Վերջինիս հետևանքով ոչ միայն կազմվեցին դպրոցական նոր ծրագրեր ու դասագրքեր, այլև գիտական նոր հիմքերի վրա դրվեցին բարձրորակ բանվորական կադրերի պատրաստման մեթոդները, որոնց բովանդակությունը համապատասխանում էր գիտատեխնիկական հեղափոխության պահանջներին։ Այս խնդրում մեծ դեր էր հասկացվում միջնակարգ պրոֆեսիոնալ-տեխնիկական ուսումնական հաստատություններին, որոնց ցանցն ընդլայնվեց։ Այսպես, 1981 թ. Հայաստանում արդեն գործում էր 55 միջնակարգ պրոֆեսիոնալ-տեխնիկական ուսումնարան⁶։ Միաժամանակ զգալիորեն բարելավվեցին տեխնիկական ուսումնարանների աշխատանքները, որոնցում բանվորական մասնագիտություններ էին ստանում հիմնականում միջնակարգ դրսևորոցների շրջանավարտները։ Վերը նշված փոփոխությունների հետևանքով, հանրապետության պրոֆտեխուսուցման համակարգում սովորողների կազմում զգալիորեն նվազեց ութնորդ դասարանից ցածր կրթական մակարդակ ունեցողների բաժինը և աճեց ութամյա և միջնակարգ կրթություն ունեցողներին⁸։ Վերջինս նպաստեց ուսումնարաններում բանվորական կադրերի պատրաստման մակարդակի բարձրացմանը։ Այդուհանդերձ, կրթական բարձր մակարդակ ունեցող երիտասարդներին պրոֆտեխուսուցման մեջ ընդգրկելու գործում դեռևս գոյություն ունեին լուրջ դժվարություններ։ Թվում է, թե համաձայն կանոնադրության պրոֆեսիոնալ-տեխնիկական ուսումնարանները պետք է ընդունվեին 15 տարեկանից ոչ ցածր ութամյա կրթությամբ երիտասարդները։ Սակայն ընդունելության պլանների կատարման դժվարությունների հետևանքով հանրապետ-

5 Յու. Վ. Անդրոպով, ՍՍՀՄ վաթսուներորդին Զեկուցում ՍՄԿԿ Կենտկոմի, ՍՍՀՄ Գերագույն սովետի և ՌՍՖՍՀ Գերագույն սովետի համատեղ հանդիսավոր նիստում, Երևան, 1983, էջ 141։

6 Ա. Ե. Վարդանյան, Որակյալ աշխատուժի ընդլայնված վերադասարկությունը (Հայկական ՍՍՀ արդյունաբերության օրինակով), Երևան, 1971, էջ 116, «Ավանգարդ», 31. VII. 1981։

7 «Народное хозяйство Армянской ССР», Юбилейный статистический сборник к 60-летию образования СССР, с. 183.

8 Վ. Ա. Կուրեղյան, Հայկական ՍՍՀ աշխատանքային ուսուցման օգտագործումը արդի փուլում, Երևան, 1978, էջ 136։

ուսության ուսումնարաններն ընդունում էին նաև 15 տարեկանից ցածր, անգամ ութամյա կրթություն չունեցող պատանիների և աղջիկների: Բավական է նշել, որ եթե 1970-ական թվականների վերջերին Միության մեջ ութամյա կրթություն ունեցողների 20% -ն էր սովորում պրոֆտեխուսուցման համակարգում, իսկ մերձբալթյան հանրապետություններում՝ 25—30% -ը, ապա Միջին Ասիայում և Անդրկովկասում, այդ թվում և Հայաստանում, 10—15% -ից ոչ ավելին⁹: Մեր կարծիքով միջնակարգ, այդ թվում և պրոֆեսիոնալ-տեխնիկական ուսումնական հաստատությունների ընդունելության պլանների կազմումը պահանջում է սովորողների ենթազորվող թվաքանակի ճշգրիտ հաշվարկում, ինչպես նաև կոնկրետ սոցիոլոգիական հետազոտությունների իրականացում, որոնք հնարավորություն կտան բացահայտելու երիտասարդության նախասիրությունները հանրակրթական և կոնկրետ պրոֆեսիոնալ կրթության նկատմամբ: Միաժամանակ պետք է հաշվի առնվեն ռեզիդենտ յուրահատկությունները: Դա հնարավորություն կտա աստիճանաբար հաղթահարելու նշված դժվարությունները և միջնակարգ ուսումնական հաստատություններում երիտասարդության մասնագիտացումը դարձնել առավել նպատակասլաց:

Քննվող ժամանակաշրջանում հանրապետության պրոֆտեխուսուցման համակարգի ուսումնարաններն ընդունվողների կազմում որոշակիորեն նվազել է միջնակարգ կրթություն ունեցողների բաժինը: Դա բացատրվում է նրանով, որ Հայաստանում միջնակարգ կրթություն ունեցող երիտասարդների զգալի մասը (հատկապես քաղաքներում) գերադասում է ուսումը շարունակել բարձրագույն և միջնակարգ մասնագիտական ուսումնական հաստատություններում, իսկ այն պատանիներն ու աղջիկները, որոնք միջնակարգ դպրոցի ավարտելուց հետո էին կարողանում նշված հաստատություններն ընդունվել, նախընտրում էին մասնագիտություն ձեռք բերել անմիջապես արտադրության մեջ: Վերջինս, մեր կարծիքով, ունի իր սուբյեկտիվ և օբյեկտիվ պատճառները. անմիջապես արտադրության մեջ բանվորների պատրաստման ժամկետները մի քանի անգամ կարճատև են, քան պրոֆտեխուսուցման համակարգում սովորելու ժամկետները, արտադրությունում ուսումնական ծրագրերն առավել պարզեցված են, իսկ այս մեթոդով պատրաստված բանվորների աշխատավարձը համեմատաբար բարձր է, և ուսուցումը ավարտելուց հետո նրանց տրվում է ավելի բարձր որակավորում: Առավել կարևորագույն պատճառներից են պրոֆտեխուսումնարանների թույլ կապը հանրակրթական դպրոցների հետ և հատկապես սովորողների մեջ տարվող մասնագիտական կողմնորոշման աշխատանքների վատ կազմակերպումը: Այդ է վկայում այն փաստը, որ հանրակրթական դպրոցների շրջանավարտների մի մասը պրոֆտեխուսումնարաններն հիմնականում դիտում են որպես բարձրագույն ուսումնական հաստատություններն ընդունվելու համար առավելություններ ձեռք բերելու միջոց:

Պրոֆտեխուսուցման համակարգը մեծ նշանակություն ունի դպրոցի երիտասարդությանը բանվոր դասակարգի մեջ ընդգրկելու գործում: 1960-ական թվականների կեսերին նշված համակարգի ուսումնարանների սովորողների կազմում գյուղական երիտասարդության բաժինը կազմում էր 50, իսկ 1970-ական թվականների կեսերին՝ 60% -ը: Ինչպես տեսնում ենք, նշված ժամանակահատվածում պրոֆտեխուսուցման համակարգում գյուղական երիտասարդության տեսակարար կշիռը մեծացել էր 10% -ով: Դա մասնավորապես բացատրվում է գյուղական պրոֆեսիոնալ-տեխնիկական ուսումնարանների ցանցի ընդլայնմամբ, որոնցում գյուղի բնակիչները կազմում էին բացարձակ մեծամասնություն: Եթե 1971 թ. ՀՍՄՀ-ում գործում էր միայն 2 գյուղական ուսումնարան, ապա 1981 թ.՝ արդեն 14, իսկ դրանցում սովորողների թվաքանակը համապատասխանաբար 1,4 հազարից աճեց մինչև 10,2 հազարի¹¹: Հանրապետության

⁹ «Известия», 4. VIII. 1979

¹⁰ Վ. Ա. Կուրեղյան, նշվ. աշխ., էջ 136:

¹¹ «Սովետական Հայաստան», 14 I. 1976, «Народное хозяйство Армянской ССР», Юбилейный статистический сборник к 60-летию образования СССР, с. 183.

գյուղական ուսումնարանների ցանցի ընդլայնումը պայմանավորված էր ոչ այնքան գյուղատնտեսության պահանջների աճով, քանի որ կոլտնտեսություններում գոյություն ունի աշխատանքային ռեսուրսների զգալի ալիքցուկ, որքան մի շարք ուրիշ պատճառներով։ Հայտնի է, որ գյուղական ուսումնարանների շրջանավարտների մեծ մասը համալրում է ժողովրդական տնտեսության «բաղադրարկին» և ոչ թե «գյուղական» ճյուղերը, առաջին հերթին՝ արդյունաբերությունը և շինարարությունը։ Այսպես, 1975—1981 թթ. պրոֆեսիոնալ-տեխնիկական ուսումնական հաստատություններում, ինչպես նաև անմիջականորեն կոլտնտեսություններում և սովիտոլներում պատրաստվել են ավելի քան 43 հազար տրակտորիստ-մեքենավարներ, տրակտորիստներ, կոմբայնավարներ, ավտոմոբիլորդներ, կոմբայնավար-մեխանիկներ (այդ թվում կեսից ավելին պրոֆտեխնուսուցման համակարգում), այն ղեկավար, երբ 1981 թ. ապրիլի 1-ի տվյալներով հանրապետության գյուղատնտեսության մեջ զբաղված էին ընդամենը 21 հազար տրակտորիստ-մեքենավարներ, տրակտորիստներ, կոմբայնավարներ և վարորդներ¹²։ Հետևաբար, գյուղական պրոֆեսիոնալ-տեխնիկական ուսումնարանների շրջանավարտների որոշակի մասը կամ անմիջապես, կամ մի որոշ ժամանակից հետո տեղափոխվում է գյուղից քաղաք կամ էլ աշխատանքի է ընդունվում գյուղական վայրերում տեղադրված ոչ գյուղատնտեսական ձեռնարկություններում։ Ելնելով դրանից, փոքր քաղաքներում և հատկապես գյուղական վայրերում, պրոֆեսիոնալ-տեխնիկական ուսումնարանների ցանցի ընդլայնումը մի կողմից նպաստում է հանրապետության տարբեր շրջաններում գործող արդյունաբերական ձեռնարկությունները բանվորական բարձրորակ կադրերով համալրելուն, իսկ մյուս կողմից՝ կրճատում է գյուղական երիտասարդության հոսքը ղեպի խոշոր քաղաքներ։

Քննվող ժամանակաշրջանում պրոֆտեխնուսուցման համակարգը մեծ դեր էր խաղում նաև արտադրության մեջ ընդգրկված բանվորների վերապատրաստման գործում (Երեկոյան և հերթափոխային ուսումնարաններում)։ Վերջիններիս շրջանավարտների թվաքանակը հանրապետությունում անընդհատ աճում է։ Այսպես, եթե 1972 թ. այն կազմում էր 2,2 հազ. մարդ, ապա 1981 թ.՝ 6,4 հազ.։ Բանվորական կադրերի վերապատրաստման նման ձևը հետագայում ալիքի կկատարելազործվի, քանի որ այն հնարավորություն է ընձեռում առավել խորությամբ տիրապետելու ժամանակակից բանվորական մասնագիտությունները։

Զարգացած սոցիալիզմի ժամանակաշրջանում պրոֆտեխնուսուցման համակարգի զարգացման կարևորագույն հատկանիշներից է ուսուցանվող մասնագիտությունների քանակի աճը։ Եթե 1960-ական թվականների սկզբին հանրապետության նշված համակարգի ուսումնարաններում բանվորական կադրեր էր պատրաստվում 27, ապա 1980-ական թվականների սկզբին՝ 170-ից ավելի մասնագիտությունների գծով (այդ թվում՝ էլեկտրոնային հաշիվ մեքենաների մոնտաժողներ և կարգավորիչներ, շափիչ սարքավորումների էլեկտրափականագործներ, քիմիական արդյունաբերության ապարատավարներ և այլն)։ Սա վրկայում է, որ քննվող ժամանակաշրջանում հանրապետության պրոֆտեխնուսուցման համակարգը վերակառուցվում էր ժողովրդական տնտեսության ճյուղային կառուցվածքի փոփոխություններին համապատասխան՝ ելնելով գիտատեխնիկական հեղափոխության սյահանջներից։ Սակայն այս բոլորի հետ մեկտեղ պրոֆտեխնուսուցման համակարգում պատրաստված բանվորական բարձրորակ կադրերի տեսակարար կշիռը ժողովրդական տնտեսության ճյուղերում դեռևս

¹² Հաշվարկը կատարված է՝ «Народное хозяйство Армянской ССР за 60 лет», Юбилейный статистический ежегодник, Ереван, 1980, с. 149, 194; «Народное хозяйство Армянской ССР». Юбилейный статистический сборник к 60-летию образования СССР *ժողովածուների տվյալների հիման վրա* (էջ 138, 186)

¹³ «Народное хозяйство Армянской ССР за 1972 г.», Ереван, 1973, с. 121, «Народное хозяйство Армянской ССР», Юбилейный статистический сборник к 60-летию образования СССР, с. 185.

ցածր էր. 1981 թ. շուշ-ում այն կազմում էր 30,3%¹⁴։ Վերջինս, ինչպես նշվեց 244 XXVII համագումարում, պայմանավորված էր նրանով, որ ղեկնս դանդաղ էն լուծվում ուսումնարանների կառուցման ու ռացիոնալ տեղաբաշխման և որակյալ երիտասարդ բանվորական կադրերի պատրաստման հարցերը՝ հանրային արտադրության և ժողովրդական տնտեսության հեռանկարային զարգացման պահանջներին համապատասխան։ Հանրապետության պրոֆտեխուսուցման համակարգը ղեկնս պատրաստում է պահանջվածից ավելի ոչ ղեֆիցիտային մասնագետներ՝ ի վնաս առավել անհրաժեշտ մասնագիտությունների։ Մյուս կողմից, արդյունաբերական որոշ ձեռնարկություններ անհրաժեշտ շահագրգռվածություն հանդես չեն բերում նոր ուսումնարաններ կառուցելու գործում։ Մեքենաշինության մեջ բանվորների խիստ պակասի պայմաններում, օրինակ, վերջին 15 տարվա ընթացքում այդ ճյուղի ձեռնարկությունները ստեղծել են 2000 աշակերտական տեղով ընդամենը 4 նոր պրոֆտեխուսումնարան։ Եվ դա այն դեպքում, երբ ճյուղում բանվորների թվի աճը կազմել է 70 հազար¹⁵։ Այս բոլորի հետևանքով ուսումնասիրվող ժամանակաշրջանում ղեկնս մեծ դեր ուներ բանվորական կադրերի պատրաստումն անմիջապես արտադրությունում։ Այդ է պատճառը, որ քննվող ժամանակաշրջանում բանվորների պատրաստման նշված ձևը հանրապետությունում բավական լայն թափ ստացավ։ Այսպես, եթե 1960 թ. շուշ-ի արտադրական ձեռնարկություններում նոր մասնագիտություններ էին ստացել 19,2 հազ. և իրենց որակավորումն էին բարձրացրել 35 հազ. բանվորներ, ապա 1981 թ. այդ թվերը համապատասխանաբար կազմեցին 79,7 հազ. և 272,2 հազ.¹⁶։ Ինչպես տեսնում ենք, ուսումնասիրվող ժամանակաշրջանում ձեռնարկություններում բանվորների պատրաստումն ու վերապատրաստումը զգալիորեն աճում էին։ Սա օրինալավ երևույթ էր, քանի որ արդյունաբերության լայն զարգացումը հանգեցնում էր նոր ճյուղերի և ձեռնարկությունների առաջացմանը, որն իր հերթին պահանջում էր համապատասխան բանվորական կադրեր, որոնց պատրաստումը միայն պրոֆտեխուսուցման համակարգը ղեկնս ի վիճակի չէր ապահովելու։

Այսպիսով, զարգացած սոցիալիզմի ժամանակաշրջանում շուշ-ում արտադրության մեջ բանվորական կադրերի պատրաստումը բավականին տարածված է, և նշված ձևով պատրաստված բանվորների թվաքանակը ղեկնս զգալիորեն գերազանցում է պրոֆտեխուսուցման համակարգում պատրաստվածներին։ Սակայն բանվորների պատրաստման տվյալ ձևն արդի գիտատեխնիկական հեղափոխության պայմաններում ունի թերություններ։ Ժամանակակից արտադրական հարաբերությունների զարգացման բարձր մակարդակը բանվորներից պահանջում է տեսական և գործնական բազմակողմանի պատրաստվածություն, որն արտադրական ուսուցումը չի ապահովում։ Նշենք, որ տարբեր ձեռնարկություններում պատրաստված միևնույն մասնագիտությունների բանվորներն ունեն որակավորման տարբեր մակարդակ։ Սա վկայում է, որ արդի ժամանակաշրջանում պրոֆտեխուսուցման համակարգում բանվորական կադրերի պատրաստումն ունի անփիճելի առավելություն։ ՍՍՀՄ Մինիստրների խորհրդին կից պրոֆեսիոնալ-տեխնիկական կրթության պետական կոմիտեի գիտահետազոտական լաբորատորիայի կատարած հետազոտությունները ցույց են տալիս, որ պրոֆտեխուսուցման համակարգի ուսումնարանների շրջանավարտների հերթական որակավորման կարգ ձևը բերելու համար 2,2—2,5 անգամ ավելի քիչ

¹⁴ Հաշվարկը կատարված է՝ «Народное хозяйство Армянской ССР», Юбилейный статистический сборник к 60-летию образования СССР ժողովածուի տվյալների հիման վրա (էջ 185, 186)։

¹⁵ Կ. Ս. Դեմիրճյան, 244 Կենտրոնական կոմիտեի հաշվետվությունը Հայաստանի կոմունիստական կուսակցության XXVII համագումարին, էջ 76—77։

¹⁶ «Народное хозяйство Армянской ССР в 1965 г.», Ереван, 1966, с. 203, «Народное хозяйство Армянской ССР». Юбилейный статистический сборник к 60-летию образования СССР, с. 186.

ժամանակ է պահանջվում, քան արտադրության մեջ պատրաստված բանվորներին, իսկ առաջինների արտադրական խոտանը 3 անգամ պակաս է երկրորդներին¹⁷։ Իհարկե, այս ամենը չի նշանակում, որ արտադրական ուսուցումը, որպես բանվորական կադրերի պատրաստման ձև, կորցրել է իր նշանակությունը։ Այն կպահպանվի և առաջիկայում, քանի որ, ինչպես վերը նշվեց, մի շարք օբյեկտիվ և սուբյեկտիվ պատճառներով բանվոր դասակարգի շարքերը համալրող նոր աշխատուժի որոշ մասը արտադրություն է մտնում առանց մասնագիտական պատրաստվածություն ունենալու։ Սակայն ապագայում արտադրությունում բանվորական կադրերի պատրաստումը կրելու է օժանդակ բնույթ՝ պայմանավորված պրոֆտեխուսուցման համակարգում պատրաստված բանվորական կադրերի թրվաքանակի աճով։ Ձեռնարկություններում արտադրական ուսուցման հիմնական նպատակը պետք է հանդիսանա բանվորների վերապատրաստումն ու որակավորման բարձրացումը։

Արտադրության մեջ բանվորական կադրերի պատրաստման բարձր թվաքանակի պատճառներից է նաև կադրերի հոսունությունը։ Նշենք, որ աշխատանքի վայրը հաճախակի փոխած բանվորը մի քանի անգամ է հաշվառվում նոր պատրաստված կադրերի թվաքանակում։ Մեծ հոսունությունը ոչ միայն առաջ է բերում բանվորական կադրերի պատրաստմանը հատկացված միջոցների գերաժախս, այլև խոչընդոտում է բանվոր դասակարգի կուլտուր-տեխնիկական մակարդակի աճին և բացասականորեն է անդրադառնում աշխատանքի արտադրողականության վրա։ Բանվորական կադրերի հոսունության նվազեցման հարցը միշտ էլ գտնվել է հնարապետության կուսակցական, սովետական և տնտեսական մարմինների ուղղորդության կենտրոնում, որոնք ղգալի աշխատանք էին տանում այդ ուղղությամբ։ Ինչպես նշվեց 244 XXVII համագումարում, «չնայած 10-րդ հնգամյակի տարիներին կադրերի հոսունությունը նվազել է 15 տոկոսով, իսկ մեկ բանվորի հաշվով աշխատաժամանակի կորուստները՝ 14 տոկոսով, այնուամենայնիվ, դրանք դեռևս մեծ են»¹⁸։ Կադրերի հոսունության կանխմանը մեծապես կնպաստի ՍՄԿԿ Կենտկոմի և ՍՍՀՄ Մինիստրների խորհրդի 1983 թ. օգոստոսին ընդունած «Աշխատանքի սոցիալիստական կարգապահության ամրապնդման ուղղությամբ տարվող աշխատանքի ուժեղացման մասին»¹⁹ որոշման իրագործումը։ Նշված պրոբլեմի ուսումնասիրումը մեր նպատակը չէ, միայն նշենք, որ այն գիտական լուրջ հետադրություն կարիք ունի, որը կնպաստի բանվորական կադրերի պատրաստման և վերապատրաստման պրոցեսի կարգավորմանը։

Այսպիսով, դարգացած սոցիալիզմի ժամանակաշրջանում ղգալիորեն կատարելագործվել են բանվորական կադրերի պատրաստման և վերապատրաստման ձևերը։ Հատկապես լայն դարգացում է ստացել պրոֆտեխուսուցման համակարգը, որը գիտատեխնիկական հեղափոխության արդի պայմաններում բարձրորակ բանվորական կադրերի պատրաստման հիմնական և գլխավոր ձևն է։ Դրա հետ մեկտեղ ուսումնասիրվող ժամանակաշրջանում հնարապետությունում դեռևս մեծ դեր էին խաղում բանվորական կադրերի պատրաստումն ու վերապատրաստումն անմիջապես արտադրության մեջ։ Դրանք պայմանավորված են նրանով, որ պրոֆտեխուսուցման համակարգը դեռևս հնարավորություն չունի ժողովրդական տնտեսության ճյուղերը լրիվ ապահովելու բարձրորակ կադրերով։

17 «Профессионально-техническое образование», 1965, № 2, с. 1.

18 Կ. Ս. Դեմիրճյան, 244 Կենտրոնական կոմիտեի հաշվետվությունը Հայաստանի կոմունիստական կուսակցության XXVII համագումարին, էջ 21։

19 «Սովետական Հայաստան», 7. VIII. 1983։

ПОДГОТОВКА И ПЕРЕПОДГОТОВКА РАБОЧИХ КАДРОВ В АРМЯНСКОЙ ССР В ПЕРИОД РАЗВИТОГО СОЦИАЛИЗМА

РУБЕН АЗИЗБЕКЯН

Резюме

В период развитого социализма одной из характерных черт рабочего класса является высокое профессиональное мастерство и квалификация, которые базируются на достижениях советской системы подготовки и переподготовки кадров. В этом отношении важнейшую роль играет система профессионально-технического образования, которая в исследуемый период значительно усовершенствовалась. Это привело к увеличению численности рабочих кадров, подготовленных в системе профтехобразования. Вместе с тем большое значение продолжает иметь форма подготовки рабочих непосредственно на производстве. Это в основном объясняется тем, что профессионально-техническая учебная сеть еще не может полностью обеспечить потребности народного хозяйства рабочими кадрами.